



Broj: 02/1- 7235 /25
Datum: 30.09 2025. godine

Na osnovu člana 64. stav (1) tačka b), člana 70. stav 1., 3. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 3. i 8. stav 1. i 2. tačka c) Pravilnika o uspostavljanju i radu komisije za nabavke („Službeni glasnik BiH“, broj: 103/14), na preporuku Komisije za javnu nabavku konstatovane u Zapisniku o pregledu i ocjeni ponuda, broj: 08/1-11-2929-1/25 od 24.09.2025. godine, u postupku nabavke kancelarijskog materijala, tonera i ketridža za potrebe Općine Kakanj, Općinski načelnik kao ugovorni organ d o n o s i

ODLUKU
o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 08/1-11-2929-1/25 od 24.09.2025. godine i ugovori za nabavku roba „Nabavka vatrogasne opreme i tehničkih sredstava za potrebe Profesionalne vatrogasne jedinice Općine Kakanj“, dodjeljuju se ponuđaču TEVE VARNOST ELEKTRONIKA d.o.o. Visoko, čija ukupna cijena ponude je 38.376,00 KM bez PDV-a (odnosno 44.899,92 KM sa PDV-om),

Član 2.

Ova odluka objavit će se na web-stranici Općine Kakanj, (www.kakanj.gov.ba).

O b r a z l o ž e n j e

Na osnovu Odluke o pokretanju postupka javne nabavke, broj: 02/1-5279/25 od 22.07.2025. godine i Obavještenja, broj: 792-1-1-22-3-30/25 od 05.08.2025. godine, proveden je otvoreni postupak javne nabavke „Nabavka vatrogasne opreme i tehničkih sredstava za potrebe Profesionalne vatrogasne jedinice Općine Kakanj“.

Na protokol ugovornog organa do roka utvrđenog za prijem ponuda zaprimljene su sljedeće ponude:

r/b	Ponuđač	Cijena ponude (javno otvaranje ponuda)
1	TEVE VARNOST ELEKTRONIKA d.o.o. Visoko	38.376,00 KM
2	FINANC d.o.o. Mostar	35.950,00 KM

Nakon što je Komisija izvršila analizu dokumentacije pristiglih ponuda u smislu ispunjavanja postavljenih uslova u tenderskoj dokumentaciji, utvrđeno je sljedeće:

• **TEHNIČKI OPIS UNIFORMI (odijela) ZA ŠUMSKE POŽARE**

Ponuda firme FINANC d.o.o. Mostar *ne ispunjava sve uslove tražene u tehničkoj specifikaciji tenderske dokumentacije* Ugovornog organa Općine Kakanj koja se odnosi na TEHNIČKI OPIS UNIFORMI (odijela) ZA ŠUMSKE POŽARE a vezano je za jakne i hlače. U postupku javne nabavke ova firma je dostavila u svojoj ponudi standard EN ISO 15384:2020 bez neophodnog dodatnog standarda A1:2021 ili ekvivalenta EN ISO 15384:2021 koji je tražen za uniforme za šumske požare. Tehničkom specifikacijom u okviru tenderske dokumentacije jasno se traži standard EN ISO 15384:2020+A1:2021 ILI EKVIVALENT EN ISO 15384:2021, koji podrazumijeva i dodatni amandman A1:2021 i trebalo je da

bude dostavljen Ugovornom organu kroz dostavljenu ponudu. Napominjemo da Amadman A1:2021 sadrži obavezne izmjene koje se tiču, mehaničkih svojstava materijala i spojeva, otpornost materijala na toplotu i dr. Ponuda FINANC d.o.o. Mostar koja se poziva samo na EN ISO 15384:2020 NE POKRIVA SVE IZMJENE i NIJE U SKLADU SA TEHNIČKIM ZAHTJEVIMA IZ TENDERSKE DOKUMENTACIJE U POSTUPKU JAVNE NABAVKE.

Shodno namjeni ove opreme koja se koristi u spasilačkim intervencijama šumskih požara gdje je najvažniji život korisnika i imovine koju vatrogasac spašava, Ugovorni organ želi što kvalitetniji sastav materijala kako bi zaštitio život, zdravlje ljudi i materijalnih dobara koje potencijalno treba spasiti. Ugovorni organ ima apsolutno pravo da shodno namjeni korištenja opreme zahtjeva što kvalitetniji materijal, a koji se između ostalog ogleda u njegovom ispitivanju (prema EN i BAS normama) koje se dokazuju dostavljenom dokumentacijom.

Pored navedenog, u *Napomeni tehničke specifikacije* tenderske dokumentacije Ugovorni organ je zahtijevao da Ponudač koji se bude prijavljivao na predmetnu javnu nabavku uz ponudu je trebao dostaviti i jedan kompletan uzorak odijela za šumske požare u skladu sa traženom specifikacijom.

Napominjemo da je ponudač firma FINANC d.o.o. Mostar dostavila *ispravan traženi uzorak* uniforme (jakna i hlače) sa traženim EN ISO 15384:2020+A1:2021 ali nije kroz dostavljenu ponudu dokumentovan i dodatni amandman +A1:2021 ili ekvivalent EN ISO 15384:2021, tako da postoji neusklađenost i nekompatibilnost između dostavljenog uzorka uniforme (jakna i hlače) koji ispunjava tražene standarde EN ISO 15384:2020+A1:2021 i dostavljene tehničke specifikacije u okviru ponude firme FINANC d.o.o. Mostar u kojoj nema dodatnog standarda +A1:2021 ili ekvivalenta EN ISO 15384:2021. Postavlja se pitanje, da li se radi o istoj uniformi dostavljenoj Ugovornom organu kao uzorak i onoj koja je slikovno prikazana u kataloškom materijalu, kojoj nedostaje dodatni traženi standard ili certifikat?

Ponudač firma TEVE VARNOST ELEKTRONIKA d.o.o. Visoko u dostavljenoj ponudi i uzorku uniforme (jakna i hlače) ispunjava sve uslove standarda tražene u tehničkoj specifikaciji tenderske dokumentacije Ugovornog organa.

- **POLUMASKA SA FILTERIMA I DODATNOM OPREMOM ZA ŠUMSKE POŽARE**

U tehničkoj specifikaciji tenderske dokumentacije vezano za **Polumasku sa dva bočna filtera za zaštitu disajnih puteva**, između ostalih uslova, tražen je i sljedeći uslov:

- Treba biti dostupna u tri (3) veličine (S, M i L);

Zaključak je da ponudač firma FINANC d.o.o. Mostar nema predviđenih oznaka i dostavila je polumasku u 2 veličine, a ne u tri (3) veličine.

- **JEDNOKRATNA MASKA RESPIRATOR-FFP2 sa ventilom** treba da sadrži između ostalih uslova i sljedeće:

- Dizajn: trodijelni horizontalni preklopni dizajn sa pomičnom gumicom-petljom za prilagođavanje bilo kom obimu glave; *Ponudač firma FINANC d.o.o. Mostar je dostavila masku kalup.*

- Tijelo respiratora/maske: dvostruko ojačano u području nosa i brade, antistatična; *Ponudač firma FINANC d.o.o. Mostar ima samo ojačanje u predjelu brade, a ne i u području nosa.*

- Kodiranje različitim bojom tijela maske za brzo prepoznavanje klase zaštite: FFP1, FFP2 ili FFP3. *Ponudač firma FINANC d.o.o. Mostar nije dokazao da klase zaštite su kodirane različitim bojama za FFP1, FFP2 ili FFP3.*

Zaključak je da ponuda ponuđača firme FINANC d.o.o. Mostar nije usklađena sa gore navedenim zahtjevima i konstatacijama i smatra se neprihvatljivom, dok je ponuda ponuđača firme TEVE VARNOST ELEKTRONIKA d.o.o. Visoko ispunila uslove standarda tražene u tehničkoj specifikaciji tenderske dokumentacije Ugovornog organa i shodno tome ponuda ponuđača firme TEVE VARNOST ELEKTRONIKA d.o.o. Visoko se smatra prihvatljivom.

Obzirom da je Ugovorni organ za ovaj postupak javne nabavke planirao e-aukciju, ista se ne može zakazati, što je u skladu sa članom 4. stav (2), Pravilnika o uslovima i načinu korištenja e-aukcije („Službeni glasnik BiH“, broj: 80/24).

Data je preporuka Ugovornom organu da se u predmetnom postupku javne nabavke izvrši dodjela ugovora navedenom ponuđaču, čija cijena ponude bez PDV-a iznosi 38.376,00 KM, ukupna cijena ponude sa PDV-om iznosi 44.899,92 KM.

U postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Iz navedenih razloga, primjenom člana 64. stava (1) tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 dana od dana prijema odluke, u skladu sa odredbama Zakona o javnim nabavkama BiH.

DOSTAVITI:

1. Svim ponuđačima u postupku nabavke
2. U spis
3. A/a



OPĆINSKI NAČELNIK

Mirnes Bajtarević